



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
ADMINISTRATIVNA KOMISIJA
Broj: 01/7-011-1510/03
Sarajevo, 13.11.2003. godine

ZAPISNIK

DESETE sjednice Administrativne komisije Predstavničkog doma Parlamentarne skupštine BiH. Sjednica je održana 13.11.2003. godine, u vremenu od 15,00 do 15,30 sati, u zgradi institucija BiH.

Sjednici su prisustvovali članovi Komisije: Munib Jusufović, Jozo Križanović, Nikola Kragulj, Ivo Miro Jović, Hazim Felić, Momčilo Novaković, Vinko Zorić i Mirko Blagojević.

Sjednici nije prisustvovao: Šefik Džaferović.

Sjednici su pored članova Komisije prisustvovali: Branka Todorović, sekretar Predstavničkog doma, Vedran Hadžović, sekretar Zajedničke službe, Jadranka Korać, šef Službe računovodstva i Dragica Hinić, stručni saradnik u radnim komisijama Parlamentarne skupštine BiH.

Sjednicom je predsjedavao Munib Jusufović.

Za sjednicu je predložen slijedeći

DNEVNI RED:

1. Usvajanje zapisnika 9. sjednice Administrativne komisije;
2. Tekuća pitanja:
 - a) Razmatranje zahtjeva Mlaćo Nadžide za ostvarivanje naknada iz prava na odvojeni život od porodice;
 - b) Razmatranje zahtjeva Zorana Spasojevića za isplatu poslaničkog paušala;
 - c) Razmatranje zahtjeva Milana Zjajića za isplatu naknada za odvojeni život od porodice;
 - d) Razmatranje zahtjeva Muhameda Begovića za preispitivanje odluke Administrativne komisije o odbijanju zahtjeva za isplatu naknade plaće po prestanku mandata;
 - e) Zahtjev poslanika Ive Mire Jovića za naknadu troškova korištenja mobilnog telefona;
 - f) Razmatranje zahtjeva Nenada Mišića za ostvarivanje naknada iz prava na odvojeni život od porodice.

Članovi Komisije su jednoglasno usvojili predloženi dnevni red.

Ad.1.

Članovi Komisije jednoglasno su usvojili zapisnik 9. sjednice Komisije.

Ad.2.

Munib Jusufović ukratko je informirao o zahtjevima podnesenim u sklopu ove tačke dnevnoga reda kako slijedi:

- a) Odlučivanje o zahtjevu Mlaćo Nadžide za ostvarivanje naknada po osnovu prava na odvojeni život od porodice i smještaj počev od 01.09.2003. godine, članovi Komisije jednoglasno su prolongirali za slijedeću sjednicu Komisije, do kada se zahtjev mora kompletirati potrebnom dokumentacijom, kao što je Ugovor o korištenju stana i provjera mjesta prebivališta podnosioca zahtjeva.
- b) Članovi Komisije odbili su zahtjev poslanika i delegata Zorana Spasojevića za isplatu poslaničkog paušala počev od 18.08.2003. godine, kada mu je Izborna komisija dodjelila mandat, saglasno članu XXIII.c.) Odluke o načinu obračuna plaća i ostalih materijalnih prava poslanika i delegata u Parlamentarnoj skupštini BiH. Ovim članom regulirano je da poslanici i delegati koji obavljaju više dužnosti u Parlamentarnoj skupštini BiH, mogu imati primanja samo po jednom osnovu i to prema vlastitom opredjeljenju. Članovi Komisije ovu odluku donijeli su sa sedam glasova za i jednim glasom protiv.
- c) Članovi Komisije jednoglasno su odbili prijedlog Kolegija Predstavničkog doma da se Zjajić Milanu, sekretaru Ustavno-pravne komisije retroaktivno isplati naknada za odvojeni život od porodice, a saglasno tek donesenoj odluci 4. zajedničke sjednice administrativnih komisija oba doma, kojom je utvrđena naknada za odvojeni život od porodice u visini od 400,00 KM mjesečno, s primjenom od dana donošenja ove odluke.
- d) Članovi Komisije jednoglasno su kao neosnovan, odbili zahtjev Muhameda Begovića za preispitivanje ranije odluke Komisije kojom je odbijen njegov zahtjev za isplatu naknade plaće u trajanju od šest mjeseci po prestanku mandata.
- e) Članovi Komisije jednoglasno su kao opravdan, usvojili zahtjev Ive Mire Jovića za naknadu troškova korištenja mobilnog telefona za službene potrebe prilikom službenog putovanja u Brisel, u mjesecu septembru 2003. godine, u visini od 307,01 KM.
Članovi Komisije su, povodom čestih zahtjeva poslanika i delegata koji službeno putuju u inostranstvo i koriste mobilne telefone u službene svrhe, jednoglasno donijeli odluku, čije usvajanje predlažu i Komisiji Doma naroda, da po ovakvim zahtjevima Služba računovodstva vrši automatske isplate korisnicima, uz njihovu obavezu da prilože račune i izlistanja utrošaka u okviru stavke rominga.
- f) Članovi Komisije jednoglasno su kao blagovremen, prihvatili zahtjev Nenada Mišića za naknadu po osnovu odvojenog života od porodice i smještaja, počev od 01.01.2004. godine, uz obavezu prilaganja dokumentacije.

Zapisnik sačinila:
Dragica Hinić

Predsjedavajući Komisije:
Munib Jusufović